

**Agong Dan Permaisuri Adakan Majlis Sambutan Aidilfitri Di Istana Negara
Bernama
11 September, 2012**

KUALA LUMPUR, 11 Sept (Bernama) -- Yang di-Pertuan Agong Tuanku Abdul Halim Mu'adzam Shah dan Raja Permaisuri Agong Tuanku Hajah Haminah berkenan menganjurkan majlis sambutan Hari Raya Aidilfitri bersama anggota kabinet dan perwakilan asing di Istana Negara, di sini.

Ketibaan baginda berdua diiringi Perdana Menteri Datuk Seri Najib Tun Razak dan isteri Datin Seri Rosmah Mansor.

Sambutan Aidilfitri yang buat julung kalinya diadakan di Istana Negara yang baru ini, turut dihadiri Timbalan Perdana Menteri Tan Sri Muhyiddin Yassin dan isteri iPuan Sri Noorainee Abdul Rahman, bekas Yang Dipertua Negeri Sabah Tun Sakaran Dandai serta Ketua Setiausaha Negara Datuk Seri Dr Ali Hamsa.

Antara menteri kabinet yang hadir ialah Menteri Pertahanan Datuk Seri Ahmad Zahid Hamidi, Menteri Pengangkutan Datuk Seri Kong Cho Ha, Menteri Kesihatan Datuk Seri Liow Tiong Lai, Menteri Pengajian Tinggi Datuk Seri Mohamed Khaled Nordin dan Menteri Pelancongan Datuk Seri Dr Ng Yen Yen.

Diplomat asing yang hadir termasuk dari Arab Saudi, Kuwait, Tanzania, Afghanistan, Iraq, Indonesia, Brunei dan Jordan.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=693939>